

皇明從信錄

皇明從信錄卷十六

東莞陳 建輯

秀水沈國元訂

宣宗章皇帝

丙午 宣德元年

正月遣使齋勅命瓦剌賢義王子惲烈忽襲王爵○遣使祭故哈密忠順王免力帖木兒仍命其姪卜答失里嗣封忠順王○漢王高煦遣人獻元宵燈復書報謝

二月禮部進耕籍田儀注上觀之謂侍臣曰先王制籍田以奉粢盛以率天下務農天子公卿躬耒耜所貴有實心耳為人君者誠念創業艱難愛恤蒼生使明德重治

達於神明。則黍稷之薦。不待親耕矣。農夫勤苦終歲。猶不免於饑寒。國家誠輕徭薄賦。責農重穀。禁止游食。則人咸樂於耕稼。不待勸率矣。不然。三推五推。何益于事。

三月陳智方政討黎利。兵敗于茶籠。

四月太子太保禮部尚書呂震卒。以胡濙爲禮部尚書。先是濙爲禮部左侍郎。仁宗以濙在永樂中嘗有密疏疑之。改爲太子賓客。兼南京國子監祭酒。至是上知其忠。

誠召陞是職。○命成山侯王通佩征夷將軍印充總兵官。

都督馬瑛充叅將。往交趾征勦叛寇。撫安軍民。仍命尚書

陳洽叅贊軍務。削陳智方政官爵。上視朝罷。御文華殿。

塞義夏原吉楊士奇楊榮侍上曰太祖皇帝祖訓有云
四方諸夷及南蠻小國限山隔海僻在一隅得其地不足
供給得其民不足使令又云若有自不付量來擾我邊彼
爲不祥若不爲中國患而我興兵伐之亦不祥也吾恐後
世子孫倚中國富彊貪一時戰功無故興兵切記不可後
因黎氏弑其國王誦害國人文皇帝不得已有弔伐之
師初意但討平黎賊之後即求前王子孫立之蓋興滅繼
絕之盛心也而前王子孫爲黎賊殺戮已盡乃徇土人之
請建郡縣置官守非出太宗本心自是以來交趾無歲不
用兵一方生靈遭殺已多中國之人亦疲于奔走甚矣皇

情所八俱取四年

情所八俱取四年

情所八俱取四年

情所八俱取四年

情所八俱取四年

情所八俱取四年

情所八俱取四年

情所八俱取四年

此東附
于初平交
趾之際要
登潭然燕
遂到今亦
難措手矣

良夫

考常念及之。深爲惻然。故卽位之詔。于彼特原。昨日遣將
出師。朕通夕不寧。誠不忍生靈之無辜也。反覆思之。只欲
如洪武中。及永樂初。使自爲一國。歲奉常貢。以全一方民
命。亦以休息中土之人。如何。義等皆未有對。上曰。此固
不肯祖宗之心。義原吉對曰。文皇帝平定此方。勞費多
矣。今小醜作孽。何患不克。若以二十年之勤勞。一旦棄之。
豈不上損威望。願更思。上顧士奇。策曰。卿兩人云何。曰。
陛下此心。固天與祖宗之心。交趾于唐虞三代。皆在荒
服之外。當時不有其地。而堯舜禹湯文武。不失爲聖君。漢
唐以來。交趾雖嘗爲郡縣。叛服不常。喪師費財。不可殫紀。

漢元帝時、珠厓反、發兵擊之、連年不定、有司議罷珠厓郡、
前史稱之、夫元帝中主猶能布仁行義如此、況陛下父
母天下、何用與此豺豕輩較得失耶、原吉曰、客臣等四人
更審思以對、上曰、但朕素志如此、本不係用兵之如何、
明日士奇策奏事畢、上曰、昨日所論交趾事、朕意有在
矣、卿兩人意與朕同、第未可以遽言耳、○釋義、剪衛軍閭
羣兒等死罪、

羣兒妻毛素、李宣以告羣兒、羣兒妻毛欲殺之、毛于
是誣羣兒與宣等九人、強劫殺尉陳貴家財、御史悉論
斬、貴被劫之日、宣等各布事他適、實不為盜、擊登聞鼓
訴寃、上曰、平人豈可在殺、果以事他適、當有證、令
都察院辨之、至是行勘、有寃寃、上命釋羣兒、毛氏論
寃、遂左都御史劉觀曰、昔隋煬帝令王士澄治盜、但有

雖獄可不
懷哉

疑似輒加拷掠同日斬決二千餘人其中六七人者蓋
發之日先禁他所不勝楚毒亦自誣服有司明知不實
執奏今非各人自陳豈不冤抑而死是爾等皆士庶也
宜戒約諸道凡治獄必察實情此事若已論決朕必不
貸矣

五月擢戶部左侍郎陳山爲戶部尚書兼護身殿大學士
改禮部右侍郎張瑛爲左侍郎兼華蓋殿大學士並入內

閣參預機務

爵不足以
榮之其人
奈何

陳建曰宣廟柄用陳山張瑛猶仁廟柄用楊士奇
黃淮皆青宮舊恩也然山瑛人品不建故皆不得久居
內閣後亦無稱焉

以四川按察使陳璉爲南京通政使掌國子監事

璉廣東東莞人以鄉貢爲桂林教授遷助教永樂初知
璉有治才擢知滁州均徭役時征歛禁釘戮暴民用大

和。文皇巡幸北京所過先遣廷臣察吏治恤民隱。言於。請最選陞陽州知府。仍掌滁州事。仁宗上。年嘗再同考會試。進興符頌。平胡頌。競歌鼓吹。徧四川。按察使會吏部言。璉素有文學。召改是職。後嗣于璉。與歐陽修。王禹偁。爲三賢祠云。

沈慶爲行在翰林學士。○禮部奏錦衣衛總旗衛整女。母病篤。剖肝煮液飲之。而愈。宜旌表。上曰。爲孝有道。孔子曰。身體髮膚。受之父母。不敢毀傷。剖腹割肝。此豈是孝。若致殺身。其罪尤大。况太祖皇帝已有禁令。今若旌表。使愚人倣之。豈不大壞風俗。女子無知。不必加罪。所請不允。○戊申午朝退。上語侍臣曰。天氣向炎。正農夫耕耘之時。因誦聶夷中鋤禾日當午之詩。且曰。吾每誦此。未嘗不念。

卷之十

農夫。又曰。朕八九歲讀書。皇考臨視。親舉筆寫。是時以示。且問曰。解否。對曰。稼穡艱難在此也。皇考笑而頷之。自是常教以農事。銘于心。不敢忘。今宮車不復還矣。言已。淚下。如注。

六月命造石室。華表享殿之屬。楊榮言。太祖開創。太宗中興。固宜設此。以表功德。此後守成之朝。自可免設。以省民力。且一費百萬。于先帝何益。上從之。遂著爲令。○上謂夏原吉曰。朕聞近年有司。不體人情。苟有飢荒。必須申報。展轉勘實。賑濟失時。民多餓死。河南新安縣山土瘠薄。民多困乏。知縣陶鑄。先給後聞。能稱任使。毋拘文法。責

錄次人人
凡同錄此

民情物命
體有兼至

大恤民力

其專擅。○廣寧中屯衛軍士馮述請建三萬瀋陽廣寧並
州諸衛學校以教官軍子弟從之

七月順天懷柔知縣邵原亨奏本縣山場舊禁樵採輪官
薪炭措辦實難今自黃花鎮東至紅螺山去天壽山已遠
乞弛禁以便民上可其奏仍令以時取之毋恣意砍伐
傷其根本庶幾可常資用○行在工部奏內府供用紬絲
紗羅計九千疋請下蘇杭等府織造上命減半造

八月漢王高煦反上親征討平之

高煦在樂安未嘗一日忘反仁宗崩謀益決招集亡
命以護爵指揮王斌為都督樂安知州朱桓為兵
部尚書移檄遠近以輔臣寒夏奸邪亂政為辭中外洩
懼復遣人密約英國公張輔等保為內應輔即將其人

白于上上夜召輔臣入講坐屏左右議之楊榮等
上親征上上有難色原吉曰臣昨見命將而基色變退
語臣等而泣在廷如此則其臨事可知且兵事貴速宜
表甲船戈以往一鼓而平之所謂先聲有奪人之心也
楊榮言是上意遂決明日諭百官親征英國公輔請
得以時自效上曰卿等足備此願朕新即位小人或
懷二心行決矣令大索樂安奸謀乙丑勅遣指揮黃勳
同總兵平江伯陳瑄防守淮安令勿南走令指揮黃勳
守居庸毋令北入胡勅法司盡弛軍旗刑徒從征戊辰
命定國公徐景昌彭城伯張昶宇皇城安都伯張安廣
寧伯劉瑞忻城伯張榮建平伯高遠京師已巳命豐
城伯李賢侍郎郭璉郭敦李親督軍饒鄭王瞻埈張王
瞻埈留守北京廣平侯袁孝武安侯鄭京都督張升山
雲尚雲黃淮黃福李友直協守勅少師袁少傅士奇少
保原吉太子少傅榮太子少保中尚書胡濙張本通
政使顧佐扈行賜武侯祿爲先鋒中尚書胡濙張本通
程而進癸酉駕過楊村馬上顧問從臣曰試度高煦計
安出或對曰樂安城小彼必先取濟南爲巢窟或對曰
彼豈不肯離南京今必引兵南去上曰不然濟南雖近
未易攻聞大軍至亦不暇攻設軍家在樂安不肯存此

未南京高煦外多誇詐內實怯懦臨事欲疑展轉不能
斷今敢反輕朕少年新立衆心未附又謂朕不能親征
卽遣將來得以其言厚利誘駕幸成寧令聞朕行已
潛敢出戰乎至卽擒矣成實獲罪安歸止人豈知賊中
虛實言賊初約斬榮取濟南山東布按二司官覺之防
榮不得發又聞大軍至不敢出未愼應天人力言宜引
精兵取南京得南京大事成矣衆不從曰爾願赴案奈
我輩何又曰高煦初聞陽武侯等將兵據賢喜曰此易
與耳聞親征始懼于是校歸正人官厚賞給楫令還寨
安諭衆上仍書諭高煦曰張放失國本之貴高淮南
受誅始于伍被今六師壓境王卽擒獻倡謀者朕與王
除過恩禮如初不然一戰成擒或以王爲奇貨縛來獻
悔無及矣辛巳昧爽駐驛寨安城北城中黑氣黯黯我
兵壁其四門賊乘城舉砲我軍發神機銃箭聲震如雷
城中股栗諸將請卽攻城上不許勅諭高煦再遣報
皆不答圍中人多欲執獻高煦者高煦密遣人詣行營
願假今夕訣妻子明旦出歸罪上許之是夜高煦盡
焚兵器及交通逆謀書王午移驛寨安城南高煦將出
王城等立止曰寧一戰死無爲人擒高煦詒賊等復入
宮遂潛從間道出見上羣臣請正典刑上不允以

自出師至
秦銳不踰
旬不止外
可謂神武
不殺者矣

勅章示高煦高煦頓首言臣罪萬萬死惟陛下命之
上令高煦寫書召諸子同歸京師故城中罪止同謀
從者不問遂執王城等下行錦衣獄癸未令祿本鎮撫
樂安改樂安為武定九月乙酉班師命申官頌繁高煦
父子赴北京錦衣衛城繫王城朱恒盛堅典仗候海長
史錢巽教授錢常百戶并授至京皆伏誅惟長史李默
以嘗諫免死謫口北為民謫新榮子義大津鎮守都督
孫勝等皆約舉城應者先納軍馬糧仗數事覺相繼誅
六百四十餘人其故縱與藏匿坐死戍邊者一千五百
餘人編邊氓者七百二十七人庶人至京縑紬大內道
遙城一日上欲往觀左右力止不聽及至熱視久之
庶人出不意伸一足勾上仆地左右即扶起上大
怒亟命壯士昇銅缸覆庶人缸重三百斤庶人有力頂
負缸起積炭缸上如山燄炭達時火熾銅缸庶人死
陳建曰楊夏二公此舉鑒建文之失也當時事起倉卒
人心洶洶而高煦素號勇悍善戰諸將所畏苟宜廟
廷決猶豫不即決親征而命將天下事亦可知幸而奮
策決機風馳電掣遂使羣虎瓦解會不崇朝克清本然
在非民社之大幸歟

守正不阿
所全甚大

遣駙馬都尉廣平侯袁容左都御史劉觀齋手勅諭趙王
時高煦既擒車駕將還京尚書陳山迎謁諸乘勝移師
彰德襲執趙王上召楊榮及蹇義夏原吉諭之三人皆
請從山言榮謂宜先遣勅趙王詰其與高煦連謀之罪而
六師掩至可擒也上頷之命榮傳旨令楊士奇草勅士
奇不可曰事須有實天地鬼神豈可欺乎且勅旨以何爲
辭榮厲聲曰汝可沮國之大事乎令錦衣衛責所係漢府
友狀云與趙連謀即事之因何患無辭士奇曰錦衣衛責
狀何以服人心因謂榮及義原吉曰太宗皇帝惟三子
今上親叔二人一人有罪者不可恕其無罪者當厚待之

皇明御集卷之六
有疑則嚴防之亦可無虞庶幾仰慰皇祖在天之靈矣。
時惟楊漕意與士奇合漕曰吾二人請見上明其大義。
兵必不可移門者不納義乃以士奇言白上上意不釋。
然亦不復言移兵遂還京自是道中有顧問惟召榮及義。
原吉不復召士奇及漕上至京始思士奇言不復及彰。
德事然言者猶喋喋請盡削王護衛且請召趙王拘之京。
師上皆不聽乃召士奇論曰言者論趙王益多如何對。
曰今日宗室惟趙王最親當思保全之計惑羣言上曰。
吾亦思之皇考于趙王最友愛且吾今惟一叔奈何不。
愛然當思所以保之之道乃封羣臣言章遣袁容及劉澹。

事定而人
品自明

齎以示之。使自處。士奇曰：「更得聖書親諭之，尤善。」上從之。容等至，趙王大喜曰：「吾生矣！」卽獻護衛，且上表謝恩。所言者始息。已召士奇曰：「使朕不失親親禮，卿之力也。」交趾總兵官成山侯王通帥師討黎利，不利。兵部尚書陳洽歎之。

先是，仁宗遣中官山壽資勅黎利之罪，命爲清化知府。利不從，聚衆寇掠，勢益張大。通帥諸將官軍往討，洽以爲宜駐師石室縣之沙河，以覘賊勢。通欲渡河而陣，洽反覆諭以利害，且陳方畧。通弗聽。翌日，五鼓麾兵以渡。洽不能止。次寧橋，與賊遇。自己至未力戰，互有勝負。洽督馬突入賊陣，欲擒其首惡，身被創甚。通懼，師却。洽遂遇害。事聞，贈少保，諡。

少保大學士黃淮有疾，上疏乞骸骨，不許。令歸田養疾。疾

愈仍來供職時淮父性年九十猶無恙膺封爵與予同當世榮之淮亦優游林下二十餘年至正統末方卒

陳建曰瑣綴錄記黃文簡好談毀同列一日宣廟問淮何在東陽對以淮素病瘵瘵病能禁人自是有肯免奏對久乃告病侍親又考三朝聖諭記淮嘗毀胡廣揚士奇二人于文廟然則文簡好書毀同列事固有之耶嘗怪洪熙初繩愆糾謬圖書之賜與諸附二語之賜獨淮皆不與豈亦所謂反爾之報否二楊諸公所短故耶以此觀當時內閣諸臣似亦未盡協恭和衷之義云

交趾平州知州何忠爲黎利所執歿之

忠荊州人永樂中進士授漢中府知府出爲知州至是黎賊侵開鎮城藩鎮以忠有恩累使募兵治請下縣忠夜步走出城二百餘里被賊傷自死諸賊酋喜曰何知州聞名久矣其東泊的忠口能從我同享富貴忠大怒噉地大罵奪杯擲中府而海而歸忠死後賊從容賦詩上深悼惜之勅旌其門賜諡曰忠節忠死後賊從容賦詩

曰萬里孤城久困時腹中缺奏請王師紅塵夫路風霜
苦自比懸心天地無元向河荒應有日生還北關定無
期英夷不正西風散願助天戈珍板夷

遣御史清理軍伍時軍政大壞奸軍匿籍反誣援良民充
伍所司利其賄民多受枉上知其弊遂命御史分行郡
縣清理令無枉民縱奸

以民情
吏治良

十月復檀凱貴州思州府通判凱在官九載當陞其民詣
闕乞留上聞而歎曰民不恤萬里跋涉求其復任必其
撫字有道命即還任予正五品俸以優之

十一月雙流縣知縣孔友諒上六事一曰汰冗員二曰任
風憲三曰重守令四曰慎科目五曰厚俸祿以養賢六曰

仁政

薄征徭命行在禮部會議行之○上諭順天府尹曰古之仁政必先蠲寡孤獨朝廷設養濟院意正如此近聞京師頗有殘疾飢寒無依之人行乞爾爲親民之官何得漫不加省其悉取入養濟院毋令失所○釋翰林侍讀李時勉之內復其官○張本爲兵部尚書○是年陳祚于謙爲監察御史初祚由庶吉士陞參議以言事謫太和山佃戶躬耕勞苦者十年至是陞之○封西番大寶大乘闍教闍化贊善五王

丁未

宣德二年

正月申明屯田法

二月上御文華殿召輔臣蹇義夏原吉楊士奇楊榮胡

洪諱之曰古者君臣莫不同心同德以成天下之務若有失則爲臣者匡救之臣有過則爲君者訓戒之庶幾更相警飭兩無猜嫌信所謂明良相逢千載一遇者也爾等常祗事我皇祖皇考二十餘年竭誠效忠始終一致及今侍朕左右知無不言言無不當深用嘉悅茲特賜卿等鍍金銀刻圖書尚體朕至意永永無斁賜義圖書曰忠厚寬弘賜原吉曰含弘貞靖賜士奇曰端方貞靖賜榮曰方直剛正賜洪曰清和恭靖。

按楊文敏家集記受賜銀圖書五顆曰方直剛正曰忠孝流芳曰關西後裔曰建安楊榮曰楊氏勉仁胡忠安家傳記被賜銀圖書四曰長陵胡漢曰文恭世家曰大宗伯章曰清和恭靖餘未有考

進大學士張瑛禮部尚書仍兼大學士○會試天下舉人
取趙開等一百人

三月廷試賜馬瑜杜寧謝璉等進士及第出身有差○賜
虞復見楊榮獻頌○改轉運爲支運○命定遠侯柳升帥
師赴交趾征黎利以兵部尚書李慶叅贊軍務陳洽旣敗
死黎利勢益猖獗遂圍交州成山侯王通奏請益兵詔命
升等將七萬人以往且勅慶舉六卿之屬有才畧者以自
助慶奏郎中史安主事陳鏞等十餘人偕行○命都督俞
事山雲充總兵官佩征蠻將軍印鎮守廣西時徭獞數叛
擾邊故命雲鎮之

公坐以此
試之非真
有所懷疑
而特決也

陳建曰按水東日記廣西守將韓都督觀英武有文頗
尚誅殺山裏殺蠻之則絕後矣公深沉有將畧用兵知
神而廉正罕比其取上官一以威信如期征調無敢違
者帥府鄭隸雙直敢言公詢之曰世謂為將不計貪矧
廣西素尚貨利我將何如鄭曰公初到如一新潔曰袍
沾汙然墨終不可渝也公又曰人云土夷饋送苟不納
彼必疑忿奈何鄭言居官黷貨則朝廷自有重法乃不
畏朝廷反畏長發示耶公亦笑納之公鎮廣西踰十年廉
操始終不渝固不出鄭而鄭亦不向云○又按傳信錄
太祖開國初用葉春王興宗並舉後有天下以其老成
不貪除春為儀樂司副使陞福建參政除興宗金華知
縣李善長諱曰典宗由皂隸出身難以牧民太祖曰
典宗跟我數年勤而不貪又能處事謹備與吏不及干
牧民何有後累遷蘇州知府河南布政是謂比斯錄事
觀之國初雖賤隸中猶有如此之
賢近日儒紳士大夫咸反不逮何與

四月廢晉王濟熿為庶人安置鳳陽

按晉恭王愔卒世子濟熿嗣王濟熿子美圭封晉世子
濟熿之弟濟熿恨其失愛其父并憾濟熿不為解四

清無地端
枉死矣天
基信之以
愧世之族
罪者

族慶成諸王日訴濟煥之過于朝又誘府中官校誣濟煥罪竟奪濟煥王爵寔美主為庶人濟煥遂得嗣王又誣承奉左徵佐濟煥為逆遂治京師濟煥登驕橫百方由苦濟煥父子恭王亦老嫗不能平走訴大皇主召左徵下獄中令馳驛召濟煥父子時濟煥四空室已十年而府中亦言左徵已死矣徵至一府大驚徵至空室解濟煥釋縛相抱大慟濟煥由是怨望出恃語濟煥父子見文皇行在所濟煥病愈甚上見之惻然不直濟煥遂封美主為平陽王俾奉父居平陽恭王故有田在連伯離綠平陽文皇以與美主矣濟煥奪之美主以聞仁宗再三論還美主濟煥不從仁宗書諭濟煥曰美主父子固頗多年詩曰春令在原兄弟急難每用吟咏感念無已賴惟賢弟同吾此心又書諭美主曰朕已錄晉王讓汝田兄弟叔任才同一氣姪事叔益恭久當憐汝濟煥得書益廣致款至府中造囑詛事仁宗崩又不服喪宣宗即位憐濟煥父子時時問勞濟煥詎詛事益露自度罪不可解遣人結高煦謀不軌日夜造詛事益露王濟煥告變上執高煦又得濟煥與交通兵器寧化王濟煥告變上執高煦又得濟煥與交通書其所遺詣高煦人又走京師首報內使劉信又奏濟煥擅取屯糧十萬石給養軍欲應高煦寧化王又言濟

橫毒執其母、渣熾始懼、上以勅有旨、濟黃至、示以諭
所發奸逆狀、渣熾生堂、預首、上書諭諸王、去歲黃熾反、
罪人既得、奸黨人皆言趙晉二王與謀、予未信、今晉將
人嚴上發告、徐徐察之、存驗不誣、趙王自知事不可掩、
已辭讓衛、濟熾得罪宗社、不敢以私親
廢大義、謹遵祖訓、免為廢人、屏之以馭陽、

六月和寧王阿魯台、瓦剌順寧王脫歡亦力把力歪思朝
貢、

七月、黎利陷隘留關、逮鎮遠侯顧興祖下獄、○上御奉天
門諭兵部尚書張本曰、近來民有訴妄解充軍者、此乃有
司之過、彼意蓋謂朝廷所重在軍、不知民乃國家之根本、
夫朝廷之于軍民、正如舟車、任載不可偏有輕重、今後卿
等須令有司審實、軍則為軍、民則為民、毋致妄冒、

按楊東里集先是朝廷命御史四出清理軍伍有御
史請南直隸蘇常諸郡者就意得軍為功民多受誣常
州府同知張宗璉執不從御史怒數詬詈之宗璉忿鬱
不能平數日疽發背卒常之民賴宗璉以免于枉者十
七八許蘇之佐郡者希令御史意峻刑枉民動以千計
怨聲載道常之人于是益感宗璉不已立廟于君山祀
之遂以蘇常二郡推之天下受枉者不可勝言矣嗚呼
以民枉而差清軍御史清軍差而民益枉則曷若勿差
勿清之為愈乎然此猶就弊論弊非究本之論究本之論
民減一害乎然此猶就弊論弊非究本之論究本之論
具見于治安要議具見
于此紀弘治之二年

十月安遠侯柳升敗死于交趾先是升兵入交趾賊于官
軍所經之處悉列柵以守升既連破之直抵鎮夷關升有
矜色升雖勇然不好謀史安陳鏞言于李慶曰總戎之志
驕矣公宜力言之且夷情譎詐不可以屢敗忽之安知其

不示弱以誘我。况勅書數次戒說謂賊專以設伏取勝。不宜輕率待之。公宜速入言之。時慶已病強起與升力言。升唯唯而已。中實無戒慎意。明日前進以百騎獨先之。副將崔聚及慶等皆在後。升前渡橋既渡橋遽壞。後軍阻不得進。賊伏兵四起。升被創死。明日慶病卒。又明日崔聚被圍聚固宿將。倉卒賊驅象聞衆亂聚被執。賊大呼官軍降即不殺。安鋪皆曰吾輩見危授命耳。皆死之。○工部尚書黃福歸自交趾。先是馬騏既激變交趾。陳洽繼福掌布按二司印。累奏乞還福舊任。以交人思福之深。上從之。命福與柳升偕行。我師既失利。福爲賊所得。皆下馬羅拜曰我

父母也。公向不北歸。我曹不至此言已。皆泣。福斥之。諭以

順逆之理。賊終不忍加害。其酋長餽以餼糧。乘以肩輿。贈

以白金。送之出境。至龍州。福悉以所贈歸之。官○成山侯

王通棄交趾。帥師還。柳升等既敗死。通大懼。乃集將士議

以城不可守。戰不可勝。不若全師北歸。眾皆從之。乃與黎

利約和。且為利請立陳氏後于朝。遂棄交州城。引師還。通

至京。宥死革爵。○黎利寇陷諒江府。知府劉子輔死之。

輔江西南康人。初為廣東按察使。坐累左遷。知諒江府。為人持朴。撫士民。眾咸愛戴之。時寇勢熾甚。郡縣多陷。

子輔與守將偕兵民赴死。守數月。寇攻益力。城破。兵民皆聞。死無一人降者。子輔知事不支。曰。吾奉命守郡。郡亡與子義無不可。汗賊手。遂自經死。一子一妾皆

先子輔死。上聞。贈子輔參政。賜祭。復其家。

黎利遣人進前安南陳王三世孫嵩表乞立爲陳氏後

上覽之密示英國公張輔輔對曰此不可從將士勞苦數

年然後得之此表出黎利之誦當益發兵誅此賊耳輔退

乃召蹇義夏原吉問之二人對曰舉以與之無名徒示弱

于天下二人退復召楊士奇楊榮諭以三人對曰今日吾

與汝兩人決之榮對曰永樂中費數萬人命得此至今勞

者未息困者未蘇發兵之說必不可從若因其請而與之

可轉禍爲福上顧問士奇云何對曰榮言當從求立陳

氏後者太宗皇帝之初心求之不得乃郡縣其地十數

年來民兵困于交趾之役極矣此皆祖宗之赤子行

祖宗之初心以保 祖宗之赤子此正 陛下之盛德何
謂無名且漢棄珠崖前史爲榮何謂示弱臣侍 仁宗久
聖心數數追憾此事願 陛下今日明決上曰汝兩人
言正合朕意 皇考言吾亦聞之屢矣明日朝罷出高表
示諭文武羣臣曰論者不達止戈之意必謂從之不武但
得民安朕何恤人言遂遣工部左右侍郎李琦羅汝敬齎
詔冊封陳嵩爲安南國王罷征南兵

陳建曰交趾棄守之議二楊以息兵養民爲說意固美
矣然是時交趾設置文武諸司大小四百七十餘所
吏將士何啻數萬文皇之爲郡縣也蓋欲安撫爲
今乃棄華人爲彼蠻貊臣僕數萬人不足惜而損
朝威重則甚可惜也以愚揆之當時似宜遣王通
師境上勿節而更遣張英國再臨之英國一定交南並

此論大生
二場必無
以辨

願所望而震焉者。使之相親。親之可。復。則。取。之。不。可。
為。仁。而。義。著。乎。藝。斯。時。利。所。致。得。者。止。于。境。土。所。與。
者。英。國。用。兵。從。其。請。而。使。歸。華。人。宜。無。不。承。者。二。場。不。
知。出。此。過。德。往。報。遂。一。切。靡。然。知。敵。欺。而。不。拔。損。國。威。
而。不。悔。不。旋。踵。刊。達。案。揭。自。立。二。場。亦。未。如。之。何。蹇。夏。
無。名。示。弱。之。論。
確。中。一。時。矣。

十一月 皇子生、赦天下、孫貴妃所生、

十二月 皇后胡氏上表讓位、賜號靜慈仙師、退居別宮、

冊立孫貴妃為 皇后、先是皇子既生、胡氏稱疾請閑、貴

妃遂正位中宮、既而 張太后憐胡氏之賢、仍命居清寧

宮、進膳如常儀、每燕會、必命居 孫后之右焉。

按經濟錄云、成化中、禮部書疑夢會題陵廟事、言 宣宗
晚年欲追復故后、歲時悔恨莫及、自笑曰、此朕幼年事、

此與宋仁宗聖訓亦追漢事類同後
天聖中 英廟承先志辛 復新后位號

以黃福為戶部尚書尋改南京○薛瑄為監察御史

項紀云
帝以南京
祖三為重
東臨海
者則外史
所載未可
去信也

薛瑄傳

項紀曰錄云宣德中召用舊人養義等皆依違承順惟
黃福特正不阿命親鼓曰臣性不好戲命調樞曰臣不
會弄機問何以不食曰臣幼時父教嚴只教讀書不教
弄機之事上意不樂累數日榜黃福年老不煩以政
轉任南京戶部受用之實諒之也向使遷夏諸公皆如
此特正其勢未必盡諒之則君德可修天下可治矣
瑄由河津人初與長年十二作詩賦歷奇之稍長
徙范縣二先生講問程張朱書數日此道學正脈也遂
焚其所作詩賦專心于是至志廢食學師其第一登進
士至是授御史內閣學士河等令人遺書當一議而瑄
日其季糾劾之任無相諫之理一日二疏于班行中
尋議之日薛公見且不可得况得而倡之乎數而已
上御文華殿儒臣進講孟子上曰伯夷大公皆處海濱
而歸文王及武王伐紂太公佐之伯夷扣馬而諫所見何

以不同對曰太公以救民爲心伯夷以君臣之義爲重
上曰太公之心在當時伯夷之心在萬世無非爲天下生
民計也○侯奉事覺詔繫于都察院獄以奉秘漢府反
狀復受人賂故也

戊申

宣德三年

正月以哈密忠順王卜答失里尚幼遣使立故忠義王免
力帖木兒之子脫歡帖木兒嗣爲忠義王俾嗣忠順王統
撫部屬○主通之與利賊盟而班師也凡文武吏士得還
者八萬六千六百四十人利賊閉留不遣者尚數萬人

至京。羣臣交劾。通及梁瑛等下吏鞠。王通失律。喪師棄地。山毒曲護叛賊。馬騏激變藩方。皆論死。繫詔獄。籍其家。梁瑛等坐罪有差。○御製帝訓及官箴二書成。

二月。冊皇長子。御名祁鎮。爲皇太子。○封后父孫忠爲會昌伯。

三月。工部侍郎李新宜河南還。言山西民飢。流徙至南陽諸郡。不下十餘萬口。有司軍衛。各遣人捕逐。民死亡者多。上諭戶部尚書夏原吉曰。民饑流移。豈其得已。仁人君子。所宜矜念。昔富弼知青川。飲食居處醫藥。皆爲區畫。山林湖泊之利。聽民取之不禁。所活至五十餘萬人。今乃驅逐。

使之失所不仁甚矣其卽遣官往同布政司及府縣官加意撫綏發倉廩給之隨所至居住有捕治者罪之

四月寧王權奏乞賜南昌府附近灌城一鄉上田俾衆子耕種爲自給之計上諭戶部臣曰古人云王者常食租水稅今有歲祿足矣一鄉之田民所衣食不當奪以自養宜遣人往勘待報處置

五月贈祭交趾死節諸臣○汝南王有勲新安王有熹以罪免爲庶人○上出酒諭示百官時郎官御史以酬酒相繼敗故作酒諭○琦汝敬還利表陳昌卒乞守國侯命○汝敬復諭利訪陳氏後

六月楊士奇退朝閉門謝客而楊榮頗通請謁上召榮責之曰卿何不恤外議榮頓首曰臣日侍彤庭與天顏相接他人欲見而無隙若不啓門以納天下之士兵民休戚孰得而知上悅○工部尚書吳中下獄中私以官木磚瓦作私第故也

七月寧王權遣人進扇且奏求鐵笛上命工製鐵笛與之謂左右曰古人謂笛者滌也所以滌邪穢納之于正寧王之意其在此乎鐵笛雖無當新製與之○青州府民劉中等奏永樂中因歲歉流徙至北京棗強縣凡二百餘戶居二十年已成家業今有司追還山東乞就附籍棗強

許之併飭戒有司

八月壬午 帝第二子生是爲郕王○上以是時秋高馬肥恐胡虜擾邊欲親歷諸關警飭兵備遂勅諸臣整齊士馬以俟蹇義夏原吉楊士奇楊榮胡濙王驥施禮吳忠凌宴和楊濟姚文直等扈從駙馬都尉袁容隆平侯張信尚書張本張瑛郭敦右都御史顧佐等居守丁未車駕發京師渡潞河駐驛虹橋九月庚戌朔車駕入薊州官耆朝見上諭州官曰此漢漁陽郡也昔張堪爲政民有樂不可支之歌流聞至今爾曹勉之又進其耆老諭曰今歲斯郡獨豐稔無他虞善訓勵子孫務禮義廉恥之行毋安于溫飽

庚子時
其非知
其非知
其非知
其非知

而自棄也。辛亥車駕至石門驛，喜峯口守將奏報兀良哈
率精騎侵邊，已入塞下。諸將有請益徵兵者。上曰：「車馬
無能為，但謂吾邊無備，故敢來。若知朕在此，當驚駭走矣。
今惟擒之，勿縱也。」從此出喜峯口，路隘且險，單騎可行。若
候諸將並進，恐緩事機。朕以鐵騎三千先進，出其不意，擒
之必矣。乙卯車駕出喜峯口，夜軍士皆啣枚飲，甲韜戈馳
四十里，昧爽至寬河，距虜營二十里。虜望見，以為成邊之
兵，即悉眾來戰。上命分鐵騎為兩翼夾擊之。上親射
其前鋒三人，殪之。兩翼飛矢如雨，虜不能進，繼而神機銃
疊發，虜人馬死者大半，餘悉潰走。上以數百騎直前虜

望見黃龍旗始知

上親征悉下馬羅拜請降皆生縛之

丙辰斬其酋渠駐蹕克河戊午駐蹕會州以重陽節賜扈從文武官宴并饗將士仍遣捕虜衆潰散之黨至是有俘獲還者上喜大饗又親製詩歌慰勞之甲子詔班師車駕發錢將軍店乙丑駐蹕偏頭嶺丙寅車駕入喜峯關駐蹕關內庚午駐蹕三河縣諸王文武官進平胡表壬申駐蹕齊化門癸酉車駕至京師謁告太廟朝皇太后置酒上壽。

陳建曰官制英武亞丁成祖故平內難艾外夷皆躬親戎伍如離粘拉朽由太孫時嘗曰疆場武從成祖非征習知用兵耳然亦以去開初未達乘祖宗百戰之餘威將士習于成陣戰勝攻克因非偶然也至正

統之末，國家承平已久，英宗生長深宮，王叔不知而欲效之，遂致家產之禍，故史常謂正統土木之失，宜歸此役誤之也。

加大學士楊榮少傅，先是上率鉄騎出喜峯口擊虜，文臣獨榮扈從，既還，遂加是職，加忠勇王金忠太保，以討兀良哈，奮前斬敵功多也。

十月擢通政使顧佐爲右都御史，左都御史劉觀有罪，下獄，謫居遼東，先是上召楊士奇、楊榮至文華殿，諭之曰：京師端本澄源之地，年來貪濁之風滿朝，何也？士奇對曰：貪風永樂之末已作，但至今日甚耳。上問永樂何如？對曰：日十五六年以後，太宗有疾，多不出，扈從之官放肆無

所願惜請托賄賂公行無忌此事已徹九重但未舉發耳
榮曰是時賊貪方賔最甚上問今日之貪誰最甚者榮
對曰莫甚劉觀士奇曰風憲所以警肅百僚憲長如此則
不肖御史效之不肖御史差出四方則不肖有司皆效之
上撫掌歎曰除惡務本因問廷臣中今誰可使掌憲者士
奇對曰通政使顧佐廉公有威曾任御史及按察司皆有
風采榮曰亦嘗爲京尹能防禁下吏政清弊革上喜曰
顧佐乃能如此數日有旨令劉觀巡閱河道又數日陞佐
右都御史勅令考黜不肖洗滌積弊佐奏出其屬不肖者
二十餘人罪甚者發遼東充吏于是御史連章劾奏觀賊

貪狼籍并奏其子輻脅制諸道騁私滅公皆明著實迹遂
逮觀父子下獄議罪當死特宥之發輻戍遼東而令觀隨
往

按天順日錄宣德初諸臣僚無樂歌妓滿前以奢相尚
自顧佐爲都御史奏黜貪淫糾正百僚禁用歌妓朝綱
始振天下想聞其風采

兩院所以
付行其志
者侍朝
廷知之深
非不然即
不肖身爲
不敢以此
誣人之不
自也

擢福建按察使邵玘爲南京都察院右副都御史時南京
諸司緩弛御史尤多貪縱效尤成風賊穢狼藉至是玘奉
勅考察奏黜不肖御史三十餘人紀綱大振與北院顧佐
齊名○上以尚書蹇義夏原吉大學士楊士奇楊榮四人
皆年高欲優逸之賜勅嘉勞命輟部院職務朝夕侍左右

盧

備顧問謀議職名俸祿悉如舊。

十一月城獨石遂棄開平。

王又王寸
之開何

按宣府即漢上谷也。國初開平王克元上都設衛開平置八驛東四驛曰涼亭泥河賽峯黃匡接大寧古北口西四驛曰桓州威虜明安臨寧接獨石文皇四出塞皆道開平與和萬全間嘗曰滅此殘虜惟守開平則與和
大寧遼東并肅寧夏邊圍永無虞矣已乃棄大寧與虜而與和亦廢開平失援至是徙衛獨石盛國蓋三百里云。

巳酉 宣德四年

二月顧佐自爲都御史憲度嚴明宿弊清革下至吏卒悚厲慄然吏有遭撻者拮据佐之過謂受皂隸賂放歸悉具姓名訴通政司以聞上密以示楊士奇曰爾不舉佐廢

不爲佐
更以實
大臣
之進宜無

平對曰所訴之事誠有非誣蓋今朝臣月俸止給米石薪炭馬刍咸資于皂不得不遺半歸使備所用皂亦樂得歸耕實爲兩便此京師大小臣僚皆然臣亦然自永樂以來如此仁宗皇帝固知之所以增朝臣之俸上歎曰朝臣之艱如此因怒訴者曰朝廷用一好人輒爲小人所排欲下法司治之士奇曰此末事不足上千聖怒但付佐自治恩與法並行矣士奇退上召佐以吏訴狀授之諭之曰放皂歸耕使給薪芻京官皆然不足爲過小人不樂檢束誣陷正人汝自治之佐叩頭退召吏示之狀吏恐甚佐曰上命我治汝我姑容汝但改行爲善竟不治之

上聞之喜曰佐得大體矣久之復有囚告佐累累枉人重罪不聽訴理上怒召榮士奇曰此必有重囚教之者小人排陷正人不可不究治遂命法司鞠之實千戶臧清殺一家無罪三人當死代寫狀教之誣告上曰不誅之佐何以行事立命磔清于市

陳建曰祿薄而薪勞無資固非聽臣之道歸皂而使給薪薪亦非正大之體後來緣此遂有榮鼎皂隸之設贖銀代役始名正言順事雖穩便盡亦可行焉

兵部尚書張本言驛馬之設本以飛報軍機今在外凡有符驗官司及鎮守官每以常事泛濫給驛皆宜禁止又凡遣人齎送勅書例與雙馬及回仍前關給此皆虛費請給

不獨惜費亦甚便民

一聽從之

四月書諭寧王

特寧王體奏曰宣德元年八月江西布政司按文謂太祖高皇帝子孫以燕米定品級臣惟祖訓所載燕米益親親次序無有品級子孫皆祖宗一氣之分不與異姓相同至今四代乃定品級恐萬世之下謂自今日始靖江王府將軍與諸王同班儀賓亦服麒麟王帝不論品級異姓相見還行君臣禮其餘語多忿戾上覽奏謂侍臣曰朕自即位以來恪遵成憲祿米定品級皆出舊制非出自朕自朕今行之三年忽有此語其意甚未可量乃復書大畧謂祖訓錄郡王子孫自領國將軍以至奉國中尉通有品級洪武二十九年十二月欽定靖江世子與郡王公侯文武官相見禮儀或答拜或坐受遇之于途或分道讓左或引馬側立各隨品級等第別無行君臣禮之說若以如所云行君臣之禮是數子孫越禮犯分不知有君矣若輩臣與靖江府將軍前行君臣之禮是天不粉粉多君也春秋之法天無二日民無二上尊尊親親各有使當性者逆賊高煦在太宗時妻造

大罪及予嗣位特加厚之而包藏禍心終謀不軌觀其
稱大祀時未嘗頒給郡王詰勅以爲擅改舊制具本指
斥遂舉兵反及被執至京出洪武諸司戮辱示之以恩懼
悔不及今叔祖輒有不避斧鉞乞爲赦免之說何與何
抑而忿恨不平至此乎予以示文武大臣咸謂來諭益
在此爲名耳不然何以宣德元年八月之事至今始發
也予已悉拒羣臣之言尚望謹之若復不謹非獨羣臣
有言天下皆將言之是時予雖欲全親親之義不可得
之矣亮

代州署訓導舉人曹僎自奏年少學未充不堪人師願就
太學或就別職上嘉其志改爲泰和典史俾習民事如
有餘力亦可進學○命工部尚書黃福平江伯陳瑄經畧
漕運

五月初設鈔關○諭工部申飭府州縣及時濬築陂池堤

堰其爲强豪占據妨民者許吐退其實聞已而府縣官悉
滿以農田水利爲殿最風憲官建視怠廢者糾劾之

八月 上諭給事中曰朝廷置給事中所以出納命令封
駁章奏朝政闕失民情休戚皆得言之非他職比也朕嗣
承大統期于庶政修和爾等尚思委任之重夙夜在公庶

幾朝無失政官無廢事不惟國家有賴爾亦有聞于後矣

十月調大學士張瑛南京禮部尚書陳山此任宜用其人不可專教內監俱罷

內閣之任先是二人俱以從龍舊臣擢用皆不厭人望

上亦察之一日 上御左順門遙望見陳山因問楊士奇
曰汝試言山何如人對曰 君父有問不敢不盡誠以對

山羅侍 陛下久然寡學多愆而昧于大體非君子也

上曰然前趙王事幾爲所誤朕已甚薄之近聞渠于諸司日有干求不厭內閣政本之地豈可令斯人潤也數日併瑛俱罷內閣之任○戊子再幸文淵閣命增直字設飲饌器用翌日大學士士奇上表謝恩降勅賜詩褒荅

按是年幸閣者三閣在奉天門東廡深嚴禁密使事不得舉火閣臣退食于外上命于庭中薦地置席始得會食

中堂

帝閱武近郊

十一月太僕寺奏請遣官閱華生馬疋上諭之曰馬畜于民間必寬民力而後可責其成效國家立法固有定規

其孳生不及數者亦屢下令免償未嘗以馬傷民蓋農民終歲勤勤以營衣食又有償馬之費甚可憫也爾等但率舊典以示勸懲民有貧難者宜寬恤之

陳建曰牧馬之政漢唐皆牧之于監牧至宋與我朝始牧之于民宋保馬坊于王安石我朝令民養馬始于太僕寺卿楊砥奏行其為法徒爾害民而無益于國家實用此等極當變之時丘文莊詳之大學衍義補愚尤究言之

皇明從信錄卷之十七

東莞 陳 建輯

秀水沈國元訂

庚戌 宣德五年

正月兩朝實錄成 太宗皇帝實錄一百三十卷實訓一

十五卷 仁宗皇帝實錄十卷實訓六卷○少保戶部尚

書夏原吉卒贈太師謚忠靖

按吉天性寬平，廉德不報，廉怒不釋，其畫財賦以節愛
為先，酌大體，累煩苛，以故雖數興大役，供餉雖給而民
不騷擾，雖惻惻無矯節，不務悅人，人無讒，不讒，皆謂吉
君子長者。呂震嘗上疏短吉，柔奸，震為子求官，上
問吉，吉稱震有守城功，陳瑄靖難，初欲殺吉，吉力薦瑄
才，總漕遷，周忱為長史，或薦為郡守，吉言此不足展其
才，忱得陞侍郎，更撫，嘗有從錄計所服金織賜衣，懼欲
送，吉曰：「汗可浣，何懼為？」吏壞所寶石硯，匿不報，見吉，

史記曰：物皆有性，吾未嘗惜此，慰遣之。在漢，史丹請微
文書押之，因風為墨所汙，吏懼，即肉袒以俟。吉曰：汝何
與焉？明曰：袖至。上問：自替不謹被汙？上命易之。一
時卿大夫震懼，惟原吉第一。嘗夜閱文書，撫案歎息，筆
欲下而止者再，其夫人問之。吉曰：吾適所批者，歲終大
辟奏也。吾筆一下，死生決矣。是以慘沮而筆不忍下也。
吉與同列飲于他所，夜歸，值雪，過禁門，有欲不下馬者。
吉曰：君子不以冥冥情行，其敬慎如此。吉嘗置修三朝
實錄，又嘗治水東南，吳人尸祝之。當是時，寒夏齊名，寒
節重書，謀夏弘裕善斷，靖難後，外兼臺省，內參館閣。上
俞可否。期于濟國，二十年民
安吏治，有古大臣之風焉。

二月，會試天下舉人，命侍讀學士李時勉侍講錢習禮為
考試官，取陳詔等一百人。○寺官竊減外夷供給，上諭
刑部侍郎施禮曰：光祿之弊不止此，自祖宗以來，飲食
供給皆有定規，今擅自增減，應給之人卒不得，凡得者率

非應給之人。惟虛立案牘。以掩人目。宜究治之。因顧侍臣曰。毋謂飲食細故。不干大體。昔華元殺羊享士。羊斟不與。遂致喪師。勾踐投醪于江。與衆共飲。人心感悅。遂成霸業。以此而論。所繫豈輕。

三月。廷試賜林震、龔錡、林文等一百人進士及第。出身有差。是科得廖莊、劉寶。○清明節。上侍皇太后幸天

帝后賜慶

壽山謁長陵。獻陵戊申。上奉皇太后幸

京師。道中下馬。從容詢農夫稼穡之事。因取所載米糲三推。上顧侍臣曰。朕三舉耒。已不勝勞。况常事。此亦命農耕夫。人各鈔六十錠。一路知之。遂錄其語。至歲以新

楊士奇、權榮曰：卿亦當體念。恐忘世。兼語去歲凍寒。農
隙歸。道昌平之東郊。見道旁耕者。倦而耕。不仰以觀。召而
問焉。曰：何若是之勤哉。晚曰：勤我職也。曰：亦有時而逸乎。
曰：農之於田。春則耕。夏則耘。秋而熟則穫。三者皆用勤。雖
有一弗勤。農弗成功。而寒餒及之。奈何敢怠。曰：冬其逸。農
乎曰：冬然後躬力役于縣官。亦我之職。不敢怠也。曰：民有
四焉。若是終歲之勞也。何不易爾業爲士。爲工。爲賈。庶幾
乎少逸哉。曰：我祖父皆業農。以及于我。我不能易也。且我
之里無業士與工者。故我不能知。然有業賈者矣。亦其或
不勤辛。常奔走負販二三百里外。近或一月。遠或十日而

所以民
之恆業于
農

所以民
之恆業于
農

近其獲利厚者十二三薄者十一亦有盡喪其利者則國
室失意戚戚不樂矣計其終歲家居之日十不一二我事
農而勤苟無水旱之虞歲入厚者可以支二歲薄者可以
給一歲且旦暮得與父母妻子相聚我是以不願易業也
朕聞其言喜賜之食既又問曰若平居所親惟知買之勤
乎抑尚他有知乎曰我鄙人不能遠知嘗躬力役于縣署
觀縣之官長二人其一人寅出酉入盡心民事不少懈惟
恐民之失其所也而墮遷去久矣蓋至于今民思慕之弗
忘也其一人率畫出坐廳事日未晏而入民休戚不一問
竟坐是謫去後嘗一來民亦視之如塗人此我所目睹其

惟不曉知也。朕聞其言，歎息思此小吏其言實有理也。
蓋周公所陳無逸之意也。厚遺之而遂記其語。○故江南
民還爲兌運。○頒寬恤之令。上御南齋宮召楊士奇論
曰。今春已和。吾欲行寬恤之政。今獨與爾商之。然吾未能
悉知汝當效勞助益。遂命內侍具楮筆。上曰。免災傷稅
糧當是首事。聞民間虧欠高馬驢驘所司追債甚迫。民計
無出。部官坐視而不言。對曰。聖念及此。生民之幸。各部
惟知督責下民以供公家。而不顧民心之難故。一切民瘼
鼓不以聞。今所當寬恤者。尚非止此兩事。上曰。汝所知
者具言之。對曰。百姓積年負欠薪芻及採辦買辦之物所

以此欺
入之典
中亦無
人古

司責償甚急皆當寬貸各處官佃起科不一而足
重納民困之蘇州尤甚郡縣以聞戶部固執不與除
民多有委弃逃徙者此當速與減除部符下郡縣
辦諸物但一縣派徵更無分別出產與否非出產處百姓
數十倍價買納臣請戒約該部今後凡物只派產有之處
不許一縣均派苦民年來刑獄冤濫者多感召早勝悉由
于此請戒飭法司敦用平恕務求情實今工匠之弊尤多
四方每戶不問幾丁悉徵在京役於公者十不亡二餘皆
為所管之吏棓鞭不得營生以致嗟怨盈路擬請嚴禁
嚴禁嚴禁毋得戶下之半放回以上數目朝廷在在難

知貴貴下民而不能清察奸弊有忝厚祿矣爾所陳有益
于朕有益于民此皆應行命即草勅用早頒行○上于文
華門御道屏左右獨諭士奇曰楊榮家畜馬甚富察之皆
得之邊將榮交通邊將甚密豈可任于親密之地對曰榮
與諸將交益因永樂中扈從北征 太宗皇帝命掌兵馬
之數以此與諸將稔熟今內閣諸臣邊將之強弱才否邊
昔人之境之遠近險易四裔之順逆委曲惟榮一人知之臣等皆
所不及且其在密地凡制勅予奪高下皆稟 上旨又有
臣等同議而行豈榮所得獨專且臣與同官久亦嘗觀其
厩馬三五匹有之多亦不能畜蓋芻菽未易辦 上曰爾

未知其家馬多。即藉于市。朕知之審矣。果數請復永樂以來調衛官軍。朕詢之兵部。言有罪調衛。洪武舊制。無可復之理。朕固已疑之。對曰。此事亦未明。但其人可用。幸姑容之。上意乃解。然自是不專任之矣。○增置嘉興府秀水嘉善桐鄉平湖四縣。

四月重修玉牒成。上覽之。太息曰。國家宗族繁盛。皆祖宗積德所致。今于朕雖有親疎。然本原一人。朕何敢忘焉。○朝鮮國王李禔遣使獻海青鷹。使還。賜王磁器。諭王國中多珍禽異獸。然朕所欲不在此。後勿獻。

六月初。尚書張本奏其肅寧夏大同宣府糧餉皆出民力。

運輸所費浩大。近數年來。各處邊隅無警。田禾豐稔。邊衛軍士一切用度。多以穀粟易換。請遣人與總兵鎮守官會議。彼處應用布帛等物。戶部差人運去。依價收糴。每處穀粟或十萬石。二三十萬石。歲以爲常。儲爲糧餉。則民力可省。邊儲可充。上令遣官馳驛與各處守將計議以聞。至是武安侯鄭亨。寧陽侯鄭懋。都督譚廣。劉廣言。甘肅軍見缺絲綿布絹棉花。大同宣府缺布絹棉花茶鹽。及農器犁鋤等物。如運至。依時易換。爲便。戶部遂請以折糧絲綿布絹棉花及收買農器。支在官茶鹽。遣人運送。陝西委叅政陳琰。山西委叅政樊鎮。口外委戶部郎中王良等專理其

此等弊知
之而禁之
者僅一二
耳其外安
可勝數

事從之。○置萬全都指揮司、

七月罷刑部尚書趙狔侍郎余士吉、

時本部所繫強盜吳福全、覆奏荷決、乃詐病死、相驗座
之、其後復出劫人、又有蘇州安港巡檢司、圖富民過達
之財、誣作強盜、械送刑部、私將獄官獄卒、縱死之、御史
劾狔等怠縱所致、今該司官吏、皆已逮問、狔等焉得無
罪、上始而大怒、既而念狔等歷事先朝、今
又皆老、姑罷其職、令都御史焦舉兼部事、

遣吏部郎中趙新、刑部郎中劉澤、榮華、工部郎中張琰、禮
部員外郎吳政等、經理屯田。先是尚書黃福言、請于濟寧
以北、衛輝真定以南、近河之地、役軍民十萬人、屯種積糧
以充國用。上命戶部兵部議。至是戶書郭資、兵書張本
等言、于綠河屯田、實為便宜。自鳳陽淮安以北、及山東河

南北直隸近河二百里內通舟楫處擇荒田贖下冊令官給以牛仍支官錢收買農器如此則軍民樂于用力但山東近年旱飢流民初復故業官軍亦多有差役宜先遣官往同有司按視田地以俟開墾上從之遂遣新等經理仍命福總其事既而本等惑于人言今軍民各有常業若復分撥點差未免勞擾本以聞于上事竟不行

薛應旂曰嘗因黃福之言而有悅于西北諸處積荒之地不但可以屯田植糧雖江南之疏稻亦可植也山東通濟沁泗沂諸水河南蔡汝蔡汝息諸渠陝西會澤渭漆沮諸流則西北之田皆宜植稻矣奈何經書經理既無西門豹鄭國之徒而築金道旁之官又紛紛也于是軍國之賦盡仰給于東南矣東海民力烏得而不竭哉

加陽武侯薛祿太保尋卒先是命祿佩鎮朔將軍印帥師

巡邊至奇黃嶺遇虜進戰悉斬之盡獲其家口孳畜捷聞
故有是命秋卒祿爲將勇智兼備紀律嚴明所遇秋毫無
犯善撫士卒裹創赴闕有進無退故所向成功追封新國
公諡忠武

按水東日記獨石參將黃瑄言少嘗事武安侯鄭亨陽
武侯薛祿兩總戎如斯人今皆不可使得矣武安治大
同極有威嚴前呵一出街頭大豕皆走避之朔望惟騎
馬過城隍前則舉手曰大哥好照顧餘寺觀祠堂一不
顧也陽武築獨石陞慶諸城躬勤早暮軍中肅然不毫
髮科擢尋以病還朝修武沈請繼之則貪濁之風作矣
考亨鎮大同時年已七十餘嗣正有爲一志爲國卒時
語不及私惟云此大同我國家後門我乃死矣後來者
何人勿壞我守事也建按武安陽武不獨
可爲智勇名將難訓之賢將亦何忝哉

八月朔日當食陰雨不見禮部尚書胡濙等請率羣臣賀

上不許勅羣臣曰古之人君所謹者莫大于天戒日食又
天戒之大者惟能修德行政用賢去奸而後當食不食傳
不云乎君子之過也如日月之食焉過也人皆見之更也
人皆仰之今以陰雨不見得非朕昧于省過而然歟况離
明照四方陰雨所蔽有限京師不見四方必有見者此之
不食天可欺與朕尚圖修省以答天意其止勿賀○以監
察御史于謙為兵部右侍郎巡撫河南山西

謙浙江錢塘人骨相異常七歲信蘭占泰見而奇之曰
此他日救時宰相也登永樂辛丑進士授御史才貌英
偉音如洪鐘遇事敢為不避權貴嘗扈從征高州罪人
既得上命謙數其不韋辭殿義正矢口而成大槓
旨自是受知至是河南山西兩省各奏災傷廷議欲命
大臣經理上親署謙名超授之時年三十二各省專

議處
如此

以越府長史周忱為工部右侍郎巡撫南直隸督理糧儲
時越王已絕故也先是蘇松一帶稅糧有五六年未完者
朝廷遣官催促相繼終莫能完至是用大學士楊榮薦遂
舉忱往

忱江西吉水人為人謙恭言若不出口謀慮深長一切
故弊皆為之虛心訪問善採衆長一二年間累入之數
皆完美餘之積日見充溢小民賴以
賑恤歲凶無慮歲輸之米甲于諸省

擢兵部郎中柴車為兵部左侍郎

車錢塘人舉于鄉授武選主事選員外以清慎得名
江西參議入閩中取大木調度有方民不勞而事集初
經廣信廣信守與車有舊鑑臺一壘車疑其重疑視之
皆白金車笑曰故人知君若不知故人竟不受歲餘後

人為職方郎中能理繁劇時傳言湘藩當有變諸將
江諸將畏守以事知岳州居三歲郡大治復召為職方
丁內艱奪情治事至是起陞侍郎

以禮部郎中况鍾為蘇州府知府

鍾江西靖安人始為吏胥事禮部尚書呂震震薦其才
授儀制司主事進郎中至是大臣奏蘇州等九州大郡
號繁劇難治遂報鍾等九人為知府授以墨書假便宜
從事馳驛之任鍾初視事賜為木訥胥持文書皆不問
當否便判有弊盡輒隱諱之通判趙浚驛役侮鍾亦不
校既期月一旦命左右具香酒案并呼禮生至條屬以
下亦集鍾言某有朝廷勅未嘗宣今日宣勅既宣中有
條屬不法徑自拿問之于是諸吏皆聲禮畢坐堂上呼
吏老言吾聞郡人多武無傾詎善人吾有彰瘡之術雖
不能如國羅老子自為剖判今以展若等速以善戶惡
戶報來善者吾優視之甚則宥致鄉飲惡者吾且為百
姓殺之吾列善惡二簿俟若曹矣又召府中胥悉前大
聲言某日某事你某作如此發應痛貶若干然乎某日
某如之某胥駭服不敢譏鍾命引出曰吾不能多耐煩

命祿之。俾皂隸有勢力者。四人。與一。皆都空牛。初死之。皂姑少投去。鍾大怒曰。吾為百姓受賦。向鼠輩為吾。虐成耶。高投之。立死。不死。死若何。曹皂隸如命。立殺六人。命一人鈎其髮。拈出。肆諸市。復出屬官會暴者五人。心奉命。惟謹。蘇人稱之曰。況青天。

時與况鍾同陞者。工部郎中莫愚陞常州府知府。戶部郎中徐鑑陞瓊州府知府。刑部員外郎陸本深陞吉安府知府。監察御史何文淵陞温州府知府。後皆為名臣。

陳建曰。祖宗時。用人不拘一途。未嘗大分流品。亦未嘗限資格。由夫年勞之拘。用惟其賢。惟其能而已矣。故當時號稱得人。蓋古今天下。未嘗有無才之世。顧君相所以招徠駕馭之者。何如耳。如是。年所。用諸臣。皆奇才異能。極一時之選。聖若知之。賢相求之。聖若超拔而久任之。至十餘年。不易其久者。至二十餘年。終其身而後已焉。是以諸臣皆爭自濯磨。奮勵以求無負于君臣之知。匡國寧民之功。照耀簡冊。祖宗致治之盛。有由

然矣大抵起選久任與不拘流品之法三者不可一
 不超選則不能鼓舞其志其志不立則其心息其心息則其志不立
 泥品則使人自貴而絕其向上之心息其志不立則其志不立
 弊之積漸流之幸而不俊之所其不便國家生民之尤
 其不便也祖宗朝三善成備而近日則三弊胥集焉
 是故今時人才豈無同于榮况數公之區而三弊以限
 之拘之怠之純之雖有才而無由以自表見于世與無
 才同矣乃號于天下曰後世人才不如古嗚呼其真無
 才耶其不善用才耶

耶謀國者試思之
 三壞曰取士貴精而不貴多及既用之後賢者久任不
 賢速去久之使百司庶府盡皆得人民生有不妄天下
 有不治者未之信也又甲科未必能羅羅真才如黃福
 以歲貢擢七奇以儒士胡儼以京人是以進士未必皆
 優于舉人舉人未必皆優于貢士貢士未必皆優于
 未必無善才異能之士惟試之以事而後可見貴乎能
 察識而超拔之斯能盡一世人才
 之用而科日之選並行不悖矣

安南黎利基陳昌而自立利遣使來貢謝罪請封朝臣或

亦千古
缺陷事

請與師討之。上不許。遣使封利爲安南國王。自後朝貢不絕。

按黎利初乞立爲帝。陳氏後特假設之辭耳。其實利一向專國。故張英公謂此出終利之謀。至此其情益明。值中國厭兵。遂一切色養不較。

十月丙子。車駕巡邊。駐蹕玉河。諭成國公朱勇等曰。今農收雖畢。而禾稼在場。民間公私之費。皆出于此。扈從官軍不許入民家有所求索。違者處以重刑。其申令各營悉知之。壬午。駐蹕雷家站。召學士楊士奇。楊榮。金幼孜。楊溥。問曰。唐太宗過此。非征遼時乎。衆對曰。然。上曰。太宗恃其英武。而勤遠畧。此行所喪不少。帝王之鑒戒也。又問。此山

通論

崩于順帝時。人率謂元亡之徵。卿等以爲何如。衆對曰。順帝自是亡國之主。雖山不崩。國亦亡。曰。此言正合朕意。昔聖帝明王之世。未嘗無災異。大抵國之存亡。繫其君德之仁與不仁而已。戊子。回鑾壬辰。車駕至京師。庚辰。先夕大雪。蓋久未雪。至是大雪盈尺。上喜而成詩。以示羣臣。復賜賞雪宴。上閱視。擇其有警戒之意者。別錄之。而爲之序。

十二月二十夜。含譽星見十九族。大如彈丸。色黃白。光耀有慧。羣臣表賀。○浙江巡撫侍郎成均。築捍海隄。○是年曹縣知縣范希正。復其官。

千不起科
之田而通

按希正在曹得民心有以史計取民財縱火燒公館希
正義之試送京師如史以他事送正被逐縣民八百餘
人訴于通政司言希正廉能公敏寬平正大明盡恤民
政簡訟息如吏欺公玩法通政司以聞上
者希正若于也道還任希正仲淹之後

封昭皇后弟張昇爲安伯○山雲討平慶遠蠻

辛亥宣德六年

二月萬壽聖節上御製詩一章賜尚書蹇義胡漢大
學士楊士奇楊榮且曰朕茂膺天眷惟爾四人贊翊之賜
燕盞歡而罷詩曰九天日月鞠祥光萬歲慈幃樂壽康
初度幸逢全盛日贊襄有道賴賢良○令北直隸地方比
照洪武年間山東河南事例民間新開荒田不問多寡永

以井田之意則有一
之賦民按
田而有其
名矣家強
何從而聚
昔之十餘
十無入見
及此也

不起科

此我祖宗厚民美意漢唐以來所無也良由國初地曠人稀是以如此然有田則有稅什一天下中正不可廢也當時緣不起科後宋遂致權勢奏計爭占之擾王牛溪謂今北方平原沃野千里一望皆不起科于此可見其田之法為是亦一捷也謂一不謂以竟寧三代之道輔其君則分田斷產經傳所有成法楊東里諸人得君行政如此其專且久謀因不弘經遠之猷而苟且一時之近小此三代之下所以無善治也

逮巡按江西御史陳祚下詔獄并籍其家

祚吳縣人永樂中出庶吉士為河南右叅議以言事請武當山佃戶十年宜德始召為監察御史至是巡按江西馳疏劾上程廷選道講大學衍義大器言帝王之學在于明理明理在下講孝弟要陛下備有聖賢精微之蘊之典未其興來講學之功少有程度下聖賢精微之蘊古今治亂之由豈能周知而洞察乎宋寧真德秀朱學行義一書其言明白懇切凡聖賢之格言古今之直跡無所不載陛下致致太平合此書不可勝于典範

之暇命儒臣講說非有大故不可開歇使知孰爲忠賢之可親孰爲邪佞之可遠古今常同而治若何而亂政事若何而得若何而失必能見其理而悟其理先德業而忠賢以道義輔上德者愈見于下邪佞以奇巧薄上心者自見于疎遠天下之民受其益矣上覽疏怒其中含譏諷差官投建禁至京并其父母妻子家屬下鎗衣衛獄禁錮者數年

上問侍臣曰古之井田最爲善政後世何以終不能行侍臣對曰自秦開阡陌富強者得以兼并遂致因循上曰朕惟爲國養民在有實惠誠能省徭役薄徵歛重本抑末便是養民亦何必拘于古法○上御文華殿少傅楊榮進講大學平天下章學士王直進講生財有大道章上析其義曰治天下國家不可無財用卽如生之者衆四諸行

即是讀書
知要矣

之不必暴征橫斂而國用有餘矣。又曰秦晉幽燕君承承人情狀人君審此則好惡用舍當矣。後世若漢唐中葉小人倖位妨賢病國卒以厲民聖賢之言豈非龜鑑歟。

五月遣兵部侍郎柴車往山東經理屯田時巡按御史張勗言大同地平曠所種粟麥有收多爲軍官據占小民日困乞遣官按視占耕者分與軍民爲便。上命車及御史一人往理之。

六月金吾衛指揮同知傅廣自宮求用。上以其違禁付刑部治罪。

七月上幸楊士奇宅時上頗好微行一夕漏下二十刻

以四騎出臨士奇宅前報者言范太監士奇倉皇出迎

上已入門立月中士奇俯伏言陛下柰何以宗廟社稷

之身而自輕擾擾塵埃昏暗中誰識至尊萬一或有識

者變起倉卒何以備之上笑曰思見卿一言故來耳遂

屏左右語既竟士奇叩頭曰車駕今夕俯臨外間明日必

有知者萬萬自此慎出事變不測當慮也駕還宮明日遣

太監范弘密問士奇車駕臨幸曷不謝對曰車駕夜出恐

臣追今中心惴惴未已豈敢言謝數日又遣弘問士奇曰

今天下平寧上時時微行何足慮竟不微行乎對曰

陛下尊居九重恩澤豈能遍洽幽隱萬一有冤夫怨卒者

竊伺竊發誠不可不慮後旬餘錦衣衛獲二盜盜嘗殺人
官捕之急遂私結約候車駕之玉泉寺挾弓矢伏道傍林
莽中作亂時有捕盜校尉亦變服如盜入羣盜中真盜不
疑以其謀告遂爲所獲上既誅二盜歎曰士奇言不虛
即日遣范太監賜士奇白金文綺明日士奇入謝上諭
盜謀且曰愛朕莫如汝自今如汝言不復微行先是蹇義
嘗以天下太平勸上可微行而生日得賜鈔及馬故至
是有愛朕莫如士奇之說云

八月忠勇王金忠卒

按忠初名也先仕于元太保不花六世孫自永樂二十
一年以其部屬來降太宗嘉之封忠勇王賜姓名金

忠宣公三年，遷從政，遷至會州，遇害。忠宣公當先有
斬賊功，以年陞太保，其卒也。上甚悼之，賜祭葬。

戶部言宛平縣民以果園地施崇國寺，請蠲其稅。上曰：民地衣食之資，乃以施僧，且求免稅，甚無謂。令亟以還民。十月，書諭伊王。時李驥知河南府，伊王屢有非理之求，驥不從。府中官校虐害百姓，驥又爲禁戢。自此王府含怒，今年冬至，驥四更往王府陪班行禮，初唱班，已就列，王以爲遲，執繫儀衛司獄，次日始釋。緣王府自前遇節行禮，未嘗有在四更者，驥蒙恩守土，遭王摧辱，遂以情奏。上謂都御史顧佐等曰：朝臣于大廷朝賀，皆昧爽之際，未嘗以四更行禮，此必王府護邪小人，激王辱知府之計，故戒戢之。

十二月大學士金幼孜卒贈少保諡文靖

孜簡易沈嘿不伐善懿名病革士尚榮問之孜惟喜榮國恩重上無益于朝廷下無益于生民後何道或增其身後之澤者孜正色曰爲子孫求祿君子所耻

壬子宣德十年

正月朔日食免朝賀○少詹曾榮卒贈禮侍諡襄敏

榮中丞樂甲申進士廷對成祖親批貫通經史議達天人有講習之學有忠愛之誠擢魁天下昭我文明尚咨啓天惟良顯哉授修撰修永樂大典爲副總裁賦天馬海青歌上稱榮宏偉上青宮與修曆朔實錄

二月額寬恤之政以減官田租額爲首

三月令京官三品以上及布政按察并舉堪任方面郡守官者有犯并爵舉主○又令各處有司舉文學才行之士

乃法以人
利弊原相
衡而未可
定也

陳建曰楊文貞以吏部備資陞授不足以得人乃今
京三品以上保舉至李文達天順日錄則深言保舉之
弊不若歸其權于吏部至憲文敏奏議則又言權歸吏
部之弊而欲五品以上京堂缺皆會推衆言矛盾二弊
互攻將何適而可愚以爲不若遂行周官推賢讓能之
法除令百官推讓奏薦一官缺吏部擇所讓最多者奏
授之不俟臨缺輕信一人之舉而遽授焉據授由吏部
而所以擢授者吏部不與焉如此庶幾乎其可也

上下詔求賢復出御製擬荷蘭操及四言招隱詩賜諸太
臣

荷蘭操曰蘭生幽谷芳馨其芳賢人在野芳其道則
光嗟蘭之茂與衆草爲伍於平野人芳女其予輔招隱
詩曰天之生賢道蓋厭身切學壯行致君澤民伊傳九
孟皆古君子孜孜行道未嘗忘世秦漢之衰以退爲高
絕類離倫豈非違天嗟哉若人予身異補區區百無一
木同肩予嗣祖宗親臨萬邦求賢圖治宵旰憂勤
才倍予而列在位道行身尊百世之貴緬彼山林豈無
超遺性而不來悠悠我思散石枕流遠引高蹈雖遠其

身而作千道集阿之詩極相
服屬爾其無終予梓羅指

五月復開平涼府開城縣迭烈孫道路陝西西安諸府州
歲運糧餉赴甘州涼州山丹永昌諸衛皆經平涼府隆德
縣六盤山暨蜚嶺山澗陡絕人力艱難開城縣舊有迭烈
孫路黃河平坦直抵甘州諸衛近五百餘里洪武中官置
渡船平涼撥軍操濟人以爲便宜如舊開通之乃命布政
司給官錢造舟平涼鞏昌二府擇善水者操渡之

六月修各郡縣廣濟倉洪武間凡府縣皆置東西南北各
倉以貯官穀設富民守之遇有災荒以貸貧民時有司忽
爲不急之務倉廩廢壞穀司掩爲已有御史朱鑑以爲言

上令各郡縣修理儲集給貸以時仍命布按二司及巡按御史巡察之○上賜羣臣御製祖德詩○上親製翰林院銘

其辭曰廷有司言曰周則然後世襲用愈密而重策令所由講學所資機務之屬于度于咨代有賢哲博文明識克勵翼之用光厥職咨爾儒臣朝夕左右必端乃志必慎乃守敬沃之言惟義與仁克守之道鄒孟以陳詩尚典實浮薄是戒謀議所屬出於外心存大公罔投于私告人四禁汝惟勵之獻納論思以匡以益以匡以益無戮

七月上燕間閱內庫書畫得元趙孟頫所繪幽巖圖賦長詩一章召翰林諸臣示之曰幽詩周公陳后稷公劉王業之所由興民情早晚之宜以告成王使知稼穡艱難

萬世人君皆當鑒此。朕愛斯圖爲賦詩。欲揭于便殿之壁。朝夕在目。有所儆厲。爾其書于圖之右。○上謂侍臣曰。朕嘗歷田野採桑。有蚕繰製帛。累寸而後成疋。亦甚勞苦。因出所賦織婦詞一篇以示之曰。朕非好爲詞章。昔真西山有言。農桑衣食之本。爲君當詔儒臣以農夫織女耕蚕勸勞之狀。作爲詩歌。使人誦于前。又繪爲圖。揭于宮掖。布于戚里。使皆知民食之艱。衣食之所自。朕所以賦此也。○蘇州知府況鍾言。憲綱有云。御史所至之處。博訪諸司官吏廉勤公謹者。禮之薦之。汙濫奸佞者。威之糾之。勸懲得體。人自畏服。至于御史與在外官員相見禮儀。及凡迎詔執

此一
更節可知

諸學校皆不。一定禮制。比來各處公差御史多有逆越禮。
分各府知府亦自顧聞其貪暴畏其糾劾諂諛拜跪甘受。
晉辱間有奉法持已不肯阿屈者御史輒求小過擅作威。
福使賢良不安于位而邪佞得以苟全伏乞禁約。上命。
禮部同翰林院會議申明。○命有司致祭康澤廟。

按廟在高郵城西北湖中神姓狀名遇德朱哲宗時人。
天性忠實死而為神屢見靈感累封至宣惠侯康澤廟。
康澤廟之者。序行無沒溺之患旱暵有甘澍之應陳直。
請今存司春秋祭祀。上曰神有功德及民應在祀典。
宜從其請。

八月。上在宮中覽尚書黃福贊漕運時言便民數事出其。
章示楊士奇且諭之曰福所言皆知應深達可行。祭六神。

卿無不言
言無不盡
求其有焉

中其誰之倫。士奇對曰。福受知太祖皇帝最先。夫用其
爲人。正直明果。一志于國家生民。今六卿中鮮及之。永樂
初建北京。刑部命之綏輯。洞察及得交趾。命摠藩憲之政。
安新附之衆。躬勸夙夜。具有成績。其才德兼備。有大臣體
諸卿誠不及之。福今年七十矣。諸後進少年高坐公堂。理
政事。享佚樂。與馬騶從。揚揚。四朝舊人。乃朝暮奔走道
路。勞瘁不已。殆非國家所以優老敬賢之道。上曰。非汝
不聞此言。吾嘗欲得一老成忠直之人。處之南京根本之
地。緩急可倚。今以命福。豈不誠當。士奇對曰。福必不負。
陛下任使。明旦上命吏部改福南京戶部尚書。中外聞

身臨以見
方利害為
心者

者皆悅。蓋上之納直言。明于用人。類如此。

九月蘇州府知府况鍾上言。蘇松嘉湖之地。其湖有六。曰太湖。曰飭山。曰楊城。曰昆承。曰沙湖。曰尚湖。聯屬廣袤。凡三千餘里。其水東南出嘉定吳淞江。東出崑山劉家港。東北出常熟白茆港。永樂初。朝廷命尚書夏原吉督理疏濬。水不為患。民獲有秋。年久淤塞不通。一遇久雨。遂成巨浸。田皆沒溺。乞仍遣大臣督各府縣官。于農隙時疏濬。則三方永賴矣。上命周忱與鍾計工力多寡。難易以聞。

十月。八百大甸土官宣慰使刀之雅遣人貢方物。○南番白葛達國。貢文吏。有西境天方國。舊名天堂。默德那國。即

回回祖國各遣使來朝貢

十二月修祖陵奉陵

癸丑 宣德八年

正月上元夕張燈內苑 上侍 皇太后往觀 皇后

皇太子咸侍稱觴上壽次日勅文武諸臣及四夷朝貢之
使京師軍民咸得往觀楊士奇撰太平聖德詩十章以獻
諸學士儒臣亦各有獻

陳建曰大臣以陳善格君匡國寧民為職不以阿諛媚
悅為恭楊文貞前議憲義謂不當言天下太平勸上
微行以取煩似矣今乃因張燈之盛作太平聖德詩去
塞何能以寸意當時林長麟陳祚之因數年矣諸公上
太平聖德之持何如上申救一人之章之為賢耶宜乎
李文達追憶解縉之能于魏徵而謂諸人之不及深美

黃履之持正不阿、而謂常
人法海承顏之不暇也、

勅南京守備襄城伯李隆同巡撫侍郎周忱總督南京各
衛所屯田較其所入之數以充軍倉必使耕種以睦毋令
小人侵擾○行在兵部奏北京行太僕寺所督直隸河間
等衛府山東濟南等府五年六年孳生馬騾駒一萬七千
九百八十一匹宜分給直隸真定等府及應天所屬無種
馬民戶牧養從之○賜文武重臣及侍從遊西苑致仕少
保大學士黃淮以謝恩至預焉先是淮父性卒賜祭葬以
一品禮至是淮赴闕謝上曰淮與英國公張輔及奉義
楊士奇等十餘人同遊西苑賜宴于萬歲山之麓

二月會試天下舉人以黃淮及少詹事王直爲考試官取劉楷等一百人

三月廷試賜曹鼐趙恢鍾復等進士及第出身有差

鼐真定晉寧人初來鄉試中乙榜授代州學正隆慶大和典史制已改繁處之裕如公暇益進學不倦久之以督部工匠至京疏乞試中會試第二廷試策問義禹河洛象數鼐對博旨上親擢爲第一授翰林修撰爲人明敏疏通楊士奇愛重之薦入經筵不數年入閣預政

黃淮辭歸上宴餞之于西苑之太液池酒宸翰製詩送之仍賜金織衣一襲

詩曰天香早折仙桂枝筆花五彩開鳳池蓬萊之山直奎壁近侍九重天咫尺永樂聖人臨御初勅賜諸首陳嘉謨仁皇監國文章屬左右謀猷共舉存朕承大賢君萬方相與共理資賢良頃心寫情任爵老而卿引

疾先逐邪。五歷星。無復相見。帝嘗蕭蕭秋滿面。是時。相
旭光升紫殿。明相對。清言良慰情。留之累月。未盡意。時
心又欲東南征。太液清冷。涵碧藻。楊柳芙蓉相映好。見
駕飛揚弄晴波。紫雲紅雲拂項烏。芳駿在咀。酒在堂。工
歌鹿鳴。饗白駒。君臣大義士所重。心雖庭闕身江湖。雁
蕩峯高青不及。中有謝公舊游跡。采芝刷苓可長年。應
在天南。憶天北。淮歸刻
諸石。作奎文亭覆之。

七月置武曠騰驤四衛

八月江西吉安知府陳本深言廬陵縣城南舊有忠節祠
祀鄉先賢歐陽修周必大楊邦乂胡銓楊萬里文天祥此
來曠缺祀典人無激勸乞舉行之 上諭禮部因褒崇忠
節以正人心厚風化此國家先務其從所言令有司春秋
祭祀仍以時修葺祠宇

八月戊午景星見于天門少詹事兼侍講學士王肅進
頌○南海外諸番國各遣使來獻麒麟凡四揚士奇進頌
○詔各布政司按察司府州縣官連名保舉賢良方正一
人起送吏部量才擢用○又令天下凡生員年四十五以
上者考選貢國子監時言者以士子之在學校者多衰老
不得及時進用遂有此令以后常行之○冬詔合臨御以
求三科進士御文華殿親試之拔其尤者鄭建等二十八
人與修撰馬愉陳循林震曹鼐編修林文冀鍾鍾復趙恢
評事張益同進學文淵閣其優禮給賜一循永樂甲申之
制仍賜御製詩以示勉勵云岩崑崇文閣乃在城北隅登

不賢之切
考復悔未
直屬新之
主也

高一瞻望翠飛切雲衢其上何所儲千載聖賢書其下何
所爲衣冠講唐虞國家久興學側佇登俊儒願此閣下人
勉哉惜居諸○又令內閣考選在外庶官有文學者六十
餘人擇其優者知縣孔友諒進士胡端禎廖莊宋璉教諭
黃純徐惟超訓導婁升七人上令改進士爲庶吉士與
知縣教官俱歷事六科以備用○巡撫南直隸侍郎周忱
奏定濟農倉之法

按南畿諸郡蘇州田稅最重而松江常州次之貧民輸
官及耕作多舉債于富家而倍納其息至于傾家產
子女不足償于是民益逃亡而租賦亦虧惟至問民
疾苦深以爲憂思所以濟之壬子秋諸郡歲終會
廷命下特以官鈔平糶且勸借賑恤以待賑恤乃與
州知府况鍾松江知府趙豫常州知府莫愚論議而

行之蘇州得米三十萬石松江常州有差分貯于各
名其倉曰濟農是年夏江南旱蘇松饑民是三百餘萬
口盡發猶不足以贖恤乃復思廣為之備先是各府秋
糧當輸者核長里各多取于民而不卽輸自運負者
累歲他欲盡革其弊乃立法于水次置場擇人總收而
緊運焉和民徑自送場不入里胥之手現營所納減三
之一又三府當運糧一百萬石貯南京倉以給北京軍
餉月俵計其耗費每廩六斗取一石忱與鍾等謀曰彼
能于南京受俵每石不可受于此乎若來此給之既免勞
民且省費六十萬石以入濟農倉農無患矣鍾等皆曰
善遂請于朝從之而蘇州得米四十餘萬石益以各場
儲積之藏及前平糶所儲凡六十餘萬有奇松常二郡
次之忱曰是不獨濟農凡運輸有欠失者亦于此給借
賄納秋成如數還官若民夫修圩岸漕河道有乏食者
計口給之如是則免舉債以利兼并之憂農民無失所
者而私治賦免足矣是冬新米歸其以聞朝廷肯從
之于是令諸縣各廣倉以貯新糧以備賑官之藏公有威
與民之賢者掌其糶司其出納每歲年為之際十中下
一等戶內驗其種田多寡每家給與二石一石給之秋
成還斗還官凡其條約皆忱親為規畫俾之遵守明年

計理之
何如

江南又大旱。令諸郡大發
度米以賑貸。而民不知。

十月平江伯陳瑄卒。謚恭襄。開漕渠而罷海運。至今賴之。

運功偉
獨蓋天

瑄合肥人。以精銳督倉事。總舟師江上。靖難兵至
江北。以迎濟封伯。永泰初。奉北京海漕百萬。建倉尹兒
灣城天津南。藉兵萬人戍之。築淮陽捍海堤八百里。盡
罷海運。漕會通河南北。餉道既清。江浦以避淮險。故備
真瓜洲壩。鑿徐州呂梁洪。築大陽南旺湖堤。開白塔河
通江。築高郵湖堤。自淮至臨清。連開四十七。建徐淮
通倉。以便轉輸。置倉卒導舟。設井樹。以便行者。總理用
密。善任使。均勞逸。秋毫不取于下。故能倡此永利。公殁
。清江浦。然漕
渠旁。往往存之。

十一月修理南京宮殿。○賜朝鮮國王李禔五經四書大
全諸書。○命左副總兵右軍都督僉事王璫督理漕運。鎮
守淮安。先是裏河民運。民率僱舟。又經年往復。多失農業。

周忱始與平江伯議奏民舟至淮安或瓜洲水次補給牌
價兌與江北衛所衛所漕者出給通關還繳軍民兩往至
是叅將吳亮言浙江江西湖廣江南船各回附近水次領
兌南京江北船于瓜淮領兌其淮徐臨德諸倉仍支運十
分之四浙江蘇松等船各本司府地方領兌不盡者仍于
瓜淮交兌其北邊一帶如河南彰德府天津灘山東濟南
州縣于濟寧其餘水次倣此是爲兌運

十二月太子太師戶部尚書致仕郭資贈湯陰伯謚忠襄
官其子佑戶部主事公有守城功受眷三朝屢登八座衣
食僅充幾不能葬

甲寅 宣德九年

正月八日大雨時以爲豐年之兆。上喜召輔臣蹇義楊士奇楊榮及六部都察院堂上宴于史館。巡撫周忱趙新以議事至亦與焉。凡二十五人。○瓦剌脫歡攻殺阿魯台。立元之後脫脫不花爲主。哈喇真等部皆應之。○行在戶部員外郎羅通奏今運糧赴開平每軍運米一石又賞以騎士護送計人馬資費率以二石七斗致一石今軍民人等有自願運米至開平中納鹽糧者乞將舊例二斗五升減作一斗五升若商一人納米五百石可當五百軍所運不其且省行糧二百石從之。○南京刑部右侍郎段民卒。

民武進人以進士起家好古力學精練吏事廉平勁直人莫敢干以私卒于官貧不能喪其文格爲經紀始成驗成化間葉文莊請褒民不果

三月戊寅百官朝皇太子文華殿○交趾黎利死二子開弱奸臣黎問黎察構黨仇殺良民驚懼諒山府土官阮世寧七源州土官阮公庭各率家屬及部下三百餘人避難來歸願于廣西龍州及太平石居住上勅廣西總兵山雲戒備邊兵嚴謹守備阮世寧等避難來歸聽隨便居住使之得所無失遠人來歸之心○上與侍臣論兩晉侍臣曰晉武懲魏氏奢侈之弊刻薄之政欲矯以恭儉及平吳之後頗事宴游怠于政事掖廷殆將萬人外戚用事勢傾

內外曾不一傳而禍生閭閻致戎羯之亂元帝繼統江
左恭儉有餘明斷不足大業未復禍亂內興明帝明敏有
機斷故能誅剪兇臣惜其享年不永成帝以後類皆孱弱
寄命于強臣奄奄百有餘年亦爲幸矣 上曰晉武以開
創之主不爲遠圖樹立失宜付托非才羌胡鮮卑雜處內
郡而不能以時區處所以國禍方殷而戎寇遽起東晉僅
能守國逆臣接踵朝政陵夷而猶延數世者亦以有賢人
爲之用也又曰古先帝王維持天下以禮教爲本而晉風
俗滯僻士習浮薄先王之禮樂教化于是蕩然豈久安之
道哉

九月車駕巡邊至洗馬林而還

陳建曰宣廟御極十載巡邊閱武者四焉實嘗肅人心振揚威武防屬邊防有賴于此胡虜所以如畏而邊解所以不聳也近日邊防玩弛之餘聖子神孫能緝祖武時一行之其於安邊不為無益或曰後來武宗時屢巡邊關非然耶曰宣廟之巡邊也為邊防武宗之巡邊也為巡幸二者得失相去天淵矣

山西霍州學正曹端卒于官

端字正夫河南浣池人為尚理學教人務躬行實踐日事著述有回書詳說太極圖通書西銘釋文孝經述解性理文集儒宗統緒家規輯存疑錄表行錄等書座下足兩磚處皆穿窬靜之功居多其事父母孝志愉色及遺喪五味不入口寢苦枕塊始終不易既葬廬墓六年不用浮屠巫覡詣縣上書請毀淫祠年竟齋暇存活甚眾父好善信佛及間端言聖賢之道即從之于是作夜行燭一書與父誦之其言曰佛氏以空為性非天德之性人受之中老子以虛為道非率性之道人亦皆其言甚精在霍庠十餘年士子皆服從其教郡人亦皆

陳建曰曹月川學行猶存。吳康齋與弼之右。揚方震理學錄乃載康齋而遺月川。豈其爲校官耶。正德中大司馬彭辛菴澤稱曹月川爲本朝理學之冠。又舉從祀孔子廟庭。皆致書河南李東澍曰。表朝一代文明之盛。登濟之學。其盛于誠意伯劉公。清溪朱公。至于道學之傳。則斷自施池月川曹先生始也。尚論君子。推考

十月都察院右都御史熊渠卒

蔡舉進士，歷御史，歷大理卿，奉命治水，葺松倉，修嘉祐處所，至恩威並行，雖貧民學以治行，窮而無怨。

梓潼史會類注有疾召季行在初家院無難事
改系節胸子弟之微喪葬之行之于情之二

十一月翰林侍臣講周書畢上因論周之主業及
治效侍臣曰成王即位之初三叔挾武庚以叛周公以
言避居東都頑民不靖奄及淮夷燭亂成王得保文武之
業亦不易也上曰當時皆以爲周之不造及成王定奄
平淮東土始寧罪人斯得而天又大雷電以風雨彰周公
之德成王迎公歸誅管蔡遷殷頑民而後王室安自是天
下太平刑措四十餘年子孫歷年八百則知始之所震撼
者正天所以維持鞏固之也成王爲守成之令主周召
爲賢臣以永周家一代之基業豈偶然哉

獻即獻耳
又何用
斯易知非
庸人視爲
可貴而以
此視天朝
忽耶正辭
以却之具
兄 聖所
聖所

十二月瓦剌順寧王脫歡使臣昂克等輯貢。陞。命指揮
康熊等送之還。并齎勅諭脫歡曰。王克紹爾先王之志。遣
人來朝進馬。具見勤誠。聞殺阿魯台。尤見王之克復。世仇
所云已得玉璽。欲獻已悉王意。然觀前代傳世之久。歷年
之多。皆不繫此。王既得之。可自留用。仍賜脫歡紵絲五十
表裏。○有僧自陳欲化緣修寺祝延。聖壽者。上斥之。
既罷朝。顧謂侍臣曰。人情莫不欲壽。古之人君。若商中宗
及高宗。祖甲。周文王。皆享國綿遠。其時豈有僧道。豈有神
仙之說。秦皇漢武求神仙。無武帝。宋徽宗崇僧道。效驗不
見矣。世之人終不悟。甚可歎也。○差監察御史一員。巡視

高麗家情
實求也為
人力惟難
則故木之
渝矣

在京倉一員巡通州倉一員巡視各處牧草一員巡視
子等庫一員提督象牛羊等房錢糧一員巡視光祿寺凡
內外官員人等多支食料及需索擾擾者皆令執奏先是
楊士奇言南方運糧至京人力甚艱而倉廩無關防奸人
盜竊動輒千萬前者就執後者復繼恬無警畏請命風憲
關防巡察上從之遂命御史分投巡視禁革奸弊一年
一代至今因之

乙卯

宣德十年

正月上不豫初三日上崩壽三十七時皇太子方
九歲內議頗有欲立長君之說于是浮言籍籍楊士奇極

榮與英國張輔入視臨畢哭請見皇太子卽叩頭呼萬
歲羣臣亦隨呼萬歲浮議乃息○初十日皇太子即位
時幼冲或請皇太后垂簾聽政不許上乃詔凡朝廷
大政白于太后然後行

陳建曰菽園雜記宣廟崩天時張太后以爲國有長
君社稷之禍取裏府金符入內欲召襄王立之以二楊
學士議不諧而止愚按二楊當主少國疑之時而能
確然不搖卒定大議以安宗社無忝大臣之責矣
鄭曉曰帝天資英暢豁達大度致承睦宗思賢求士
朝蒞政動咨成法勤恤民隱仁惠孳孳四方每奏水旱
蝗災即遣馳視賑貸蠲租聞江南農民困斃屢屢蠲
減除田租人非大過輒賜保全慎于用人博咨獨斷方
岳郡守不輕付異若令會舉期在牧民責課公親警
玩息法司覆上刑名帝垂堂寬宥獨懲賦吏剽掠成
不如其謫逐疎斥言者重則嚴懲用防機疎固有直
言作

有旋復覺悟其過加恩嘗謂侍臣曰君臣一體貴不用刑貴德在
下厥革惡在其為一體也故體德大民元氣不虧幸未
嘗易人當是時率賢效忠百姓相安雖有夷狄盛興米
其為治平也

少師吏部尚書蹇義卒年七十三贈太師謚忠定

義歷事五朝五十餘年所履川州無一日之憂然性乏
骨鯁遇事脂韋無所匡拂故上紳譏其與時浮沉李賢
譏其依違承順之不暇切中其為人矣方之
前代蓋唐之蘇模稜宋之三青宰相之流云

恭上太行 皇帝尊謚曰憲天崇道英明神聖欽文昭武

寬仁純孝章 皇帝廟號宣宗○尊 聖祖母皇太后張

氏為太皇太后 聖母皇后孫氏為皇太后○封 皇弟

祁鈺為尉王○命禮部尚書兼翰林學士楊溥復入內閣

忝預機務。薄自丁憂。起復。不入閣。至是始命復入。○釋前
鬱林知州林長楸之囚。復其官。○釋前監察御史陳祚之
囚。復其官。并釋其家屬。先是祚父母皆死于獄。祚且未
成服。祚再上疏乞歸。殯終喪。制許之。○進士李賢上疏言
帝王之道在保赤子。黎民禽獸夷狄雖一視同仁。其施也
必由親及疎。未有赤子不得其所。而先養養禽獸者。今京
師韃官不下萬餘。以俸言之。指揮俸五十五石。而實支一
石。韃官則實支十七石五斗。是韃官一員。當京官十七員
半矣。傳曰。朝無倖位。則食之者寡。此豈倖位之比。况夷狄
人面獸心。一旦有警。其勢必不自安。前代五胡之亂。可不

實錄卷五
聖三編卷五
同何不處
夜

聖哉乞斷自宸衷爲萬世計勅兵部漸次出之于外石
省國家萬萬無益之費又可以消未萌之患疏人不報○
楊士奇等上言 皇上肇登寶位上繼列聖下統萬邦必
明堯舜禹湯文武之道以興唐虞三代之治去年十月
宣宗皇帝諭臣士奇曰明年春暖東宮出文華殿讀書內
外侍從俱用慎擇賢良廉謹之人臣謂此第一事望 皇
上留心不幸 大行上賓臣未遽敢言然此至重伏望山
陵畢日早開經筵以進 聖學宜慎擇儒臣及左右侍御
之人其學術不正立心行已頗僻者皆宜屏遠使不得上
惑聰明宗社生民之福實關于此疏奏 上與 太皇太

后皆嘉納焉。

六月戊申葬 景陵。○命南京戶部尚書黃福叅贊南京軍務。時楊士奇等言 上初嗣位當整肅以輯寧邊防以奠安內外。南京根本之地。雖有襄城伯李隆守備。其老成忠直如尚書黃福宜令叅贊軍務。有事同議而後行。庶幾無闕。從之。南京叅贊機務自此始。

九月勅修 宣宗皇帝實錄。○擢兵部郎中徐瞻爲兵部右侍郎。巡撫甘肅。

按喻常州江陰人。出身吏胥。爲人謀。頗有容。在縣時。二考皆兵房。有戍絕勾丁而誤及者。其人新脫貧。無可。具酒食。令妻勸。觴而出。趙之妻有麗色。瞻絕裾而走。後夜其文移成。明日向其人口。汝何至此。卒爲。瞻免。在縣

署時同官一主事每向胥曹轉馬意在歸隱不為
意後主事沒焉為舉職送之歸後至兵部尚書
陳建曰詩云肅肅兔且椽之丁丁赴赴武夫公幾于城
言周初化行俗美賢才衆多雖且兔之野人而其才猶
可為干城之用也在我祖宗朝則多賢胥與周匹係
焉松江守進賢黃子威作郡擅政譽與蘇州况鍾齊各
南昌萬洪與徐瑄皆累官至尚書有傳衡洪系能士矣
三人皆以吏員為御史降為部曹者不可彈劾所以然
者由當時有崇薦之科以為振作鼓舞之術所以雖胥
吏之徒而皆手自濯磨奮黜為君子為名臣也成化而
後保薦之途塞而資格之法拘雖舉人無九卿之望雖
歲貢絕部曹之陞而況吏員乎語曰教化行雖小人可
使為君子教化廢雖中才或
陞為小人愚于是重有感

命司禮監太監王振偕文武大臣閱武于將臺

振山西大同人初侍上于東宮及即位遂命掌司禮
監寵信之于是詔振偕諸大臣閱武將臺集百官及諸
衛武職試騎射而殿最之振奏以隆慶右衛指揮會事
紀慶為第一遂超陞都指揮會事廣為人尋常備宿後

常以衛卒之守居庸者在役、聞聞遂大見
親、驛後累官都督鎮朔、將軍鎮守宣府

皇明從信錄卷十七

終